

C. CORNELII
TACITI
DE SITV, MORIBVS, ET
POPVLIS
GERMANIÆ,
LIBELLVS.



GERMANIA omnis à Gallijs Rhæ- *CAP. I.*
tisque & Pannonijs Rheno & Da-
nubio fluminibus, à Sarmatis Da-
cisque mutuo metu ac montibus
separatur. Cetera Oceanus ambit, latos sinus
& insularum immensa spatia complectens; nu-
per cognitis quibusdam Gentibus ac Regibus,
quos bellum aperuit. Rhenus Rhæticarum al-
pium inaccessio ac præcipiti vertice ortus, mo-
dico flexu in occidentem versus, septentrionali
Oceano miscetur. Danubius molli & clemen-
ter edito montis Abnobæ jugo effusus, plures
populos adit, donec in Ponticum mare sex mea-
tibus erumpat: septimum enim os paludibus
hauritur. *CAP. II.*
Ipsos Germanos indigenas credide-
rim, minimeque aliarum gentium adventibus
& hospitij mixtos: quia nec terra olim, sed clas-
sibus advehebantur qui mutare sedes quære-
bant: